

**SOALAN-SOALAN LAZIM  
BAGI RUU PERLEMBAGAAN (PINDAAN) 2019**

---

**A. HAD UMUR PENGUNDI 18 TAHUN**

**1. Apakah rasional umur kelayakan mengundi diturunkan?**

Antara rasional had umur kelayakan pengundi kepada 18 tahun ialah:

- a) Memberikan peluang kepada seseorang individu untuk memilih wakil rakyat yang akan mewakili kepentingan mereka. Penurunan umur mengundi ini akan meningkatkan penyertaan belia sebagai warga bertanggungjawab dalam menyumbang kepada demokrasi dan pembangunan negara;
- b) Membantu belia mempertingkatkan literasi demokrasi dan kematangan melalui pendedahan kepada pengurusan tadbir urus negara.

**2. Sejauh mana Kerajaan melihat golongan belia dapat memberi sumbangan kepada demokrasi di negara ini melalui penurunan had umur mengundi kepada 18 tahun dan mengapakah umur 18 tahun dipilih?**

Penurunan had umur mengundi kepada 18 tahun dapat menyumbang kepada kesejahteraan demokrasi negara kerana:

- a) Penglibatan belia akan mewujudkan ruang diversiti kerana golongan ini mampu memberikan idea dan melihat sesuatu isu dari perspektif yang berbeza. Apabila pengundi terdiri

daripada pelbagai bangsa, budaya, agama dan peringkat umur, maka semua *stakeholders* yang terlibat dengan pilihan raya perlu memainkan peranan yang sewajarnya dan mengambil kira kepentingan semua pihak khususnya belia.

- b) Golongan belia berumur 18 tahun telah diberikan beberapa hak untuk membuat keputusan penting dalam kehidupan mereka. Akta Umur Dewasa 1971 (Akta 21) membenarkan belia berumur 18 tahun untuk:
- (i) berkahwin;
  - (ii) bekerja;
  - (iii) memperolehi lesen memandu kenderaan;
  - (iv) menyertai pasukan beruniform seperti Angkatan Tentera, Bomba, Polis Di-Raja Malaysia dan sebagainya;
  - (v) menandatangani kontrak/pinjaman; dan
  - (vi) dibicarakan sebagai pesalah dewasa sekiranya melakukan jenayah.

**3. Apakah langkah-langkah awal yang telah diambil oleh Kerajaan sebelum pelaksanaan penurunan had umur mengundi ini?**

- a) SPR telah mengadakan sesi libat urus bersama 51 buah parti politik pada 31 Oktober 2018 melibatkan urusan pendaftaran, persempadanan dan pilihan raya. Kebanyakan parti politik memberikan maklum balas positif terhadap cadangan menurunkan had umur pengundi daripada 21 tahun kepada 18 tahun.

- b) SPR juga melalui Akademi Pilihan Raya telah melaksanakan program-program pendidikan dan kesedaran terhadap proses demokrasi dan pilihan raya melibatkan kumpulan sasar seawal pelajar sekolah rendah, menengah, institut pengajian tinggi serta kumpulan masyarakat tertentu seperti orang awam dan parti politik.
- c) Di samping itu, KBS telah menubuhkan Jawatankuasa Khas Anak Muda yang dianggotai oleh Ketua-ketua Pemuda/Pemudi parti politik utama bagi mendapatkan maklum balas/pandangan mengenai cadangan pindaan Perkara 119 Perlembagaan Persekutuan dan membincangkan isu-isu semasa yang melibatkan belia.

**4. Apakah pindaan undang-undang dan peraturan yang perlu dilakukan sekiranya perkara ini dilaksanakan?**

- a) Pindaan ke atas Perlembagaan Persekutuan dan beberapa peraturan-peraturan lain perlu dibuat seperti berikut:
  - (i) **Perlembagaan Persekutuan** - Pindaan perenggan (a) Fasal (1) Perkara 119 Perlembagaan Persekutuan yang menetapkan had umur kelayakan untuk menjadi pemilih;
  - (ii) **Peraturan-Peraturan Pilihan Raya (Pendaftaran Pemilih) 2002** - Pindaan Peraturan 2 berkaitan tafsiran Pengundi Tidak Hadir dan Borang Pendaftaran Pemilih (Borang A) Bahagian II, pengakuan saksi yang

mengesahkan bahawa pemilih berumur 18 tahun ke atas semasa didaftarkan; dan

- (iii) **Peraturan-Peraturan Pilihan Raya (Penjalanan Pilihan Raya) 1981** - Borang 10 iaitu pengesahan umur seseorang warganegara yang dinamakan sebagai seseorang yang dipercayai untuk membantu pengundi OKU/warga emas semasa mengundi.

**5. Negara-negara manakah yang belum melaksanakan umur mengundi pada 18 tahun?**

- a) Hanya Malaysia dan Singapura di rantau ASEAN serta beberapa negara lain seperti Kuwait, Oman, Cameroon, Lubnan, Samoa dan Tonga yang belum melaksanakan umur mengundi 18 tahun dan masih mengekalkan pada umur 21 tahun.
- b) Sebelum era 70an, had umur layak mengundi di negara-negara maju yang mengamalkan sistem demokrasi ialah pada umur 21 tahun dan ke atas. Namun selepas 1970an, negara-negara maju seperti United Kingdom, Eropah Barat, Amerika Syarikat, Jerman, Kanada, Perancis dan Australia dan telah menurunkan had umur mengundi kepada 18 tahun. Pada era 1980an, India, Pakistan, New Zealand dan semua negara di Amerika Latin,

Afrika dan Asia juga telah berbuat demikian dan diikuti oleh Negara Jepun pada tahun 2016.

- 6. Siapakah rakyat Malaysia yang terkesan dengan pelaksanaan penurunan had umur pengundi daripada 21 tahun kepada 18 tahun?**

Rakyat Malaysia yang terkesan dengan pelaksanaan penurunan had umur ini adalah yang lahir pada tahun 1999 dan seterusnya.

- 7. Berapakah jumlah belia berumur 18 hingga 20 tahun yang akan terkesan dengan penurunan had umur mengundi untuk lima tahun akan datang?**

Anggaran jumlah belia yang berumur 18 hingga 20 tahun yang akan terkesan dengan pelaksanaan ini adalah seramai 3.8 juta orang dengan mengambil kira mereka yang akan mendaftar untuk tempoh lima tahun bermula pada tahun 2019 hingga tahun 2023.

8. Berapakah jumlah belia berumur 18 tahun hingga 20 tahun mengikut negeri yang akan terkesan dengan penurunan had umur mengundi pada tahun 2019?

<b>NEGERI</b>	<b>BILANGAN</b>
PERLIS	13,377
KEDAH	120,456
KELANTAN	108,823
TERENGGANU	70,922
PULAU PINANG	75,569
PERAK	128,604
PAHANG	81,269
SELANGOR	275,678
W.P KUALA LUMPUR	78,372
W.P PUTRAJAYA	3,161
NEGERI SEMBILAN	57,157
MELAKA	45,889
JOHOR	188,684
W.P LABUAN	3,410
SABAH	134,108
SARAWAK	138,573
<b>JUMLAH KESELURUHAN</b>	<b>1,524,052</b>

Nota: Data dari sumber Jabatan Pendaftaran Negara sehingga 21 Jun 2019

9. Adakah dengan pertambahan jumlah pengundi akan menyebabkan SPR perlu menjalankan kajian untuk menambah kerusi Bahagian Pilihan Raya DUN atau Parlimen?

Keperluan sama ada untuk menambah kerusi Bahagian Pilihan Raya tidak hanya bergantung kepada pertambahan jumlah pengundi sahaja tetapi juga faktor-faktor lain selaras dengan Perlembagaan Persekutuan.

**10. Bilakah pelaksanaan pendaftaran pengundi 18 tahun boleh dilaksanakan sekiranya RUU ini diluluskan?**

Setelah pindaan perlembagaan ini diluluskan di Dewan Rakyat dan Dewan Negara pada Mesyuarat Kedua, Penggal Kedua Parlimen Ke-14, pindaan ke atas beberapa peraturan pilihan raya perlu dibuat pada Mesyuarat Dewan Rakyat akan datang. Selepas pindaan kepada peraturan-peraturan tersebut diluluskan di Dewan Rakyat dan dikuatkuasakan, barulah ia dapat dilaksana.

**11. Apakah langkah-langkah Kerajaan bagi menggalakkan belia mendaftar dan mengundi?**

Beberapa agensi kerajaan terlibat dalam menggalakkan belia mendaftar dan mengundi. Berikut merupakan inisiatif yang sedang dilaksanakan:

- a) Melalui Akademi Pilihan Raya (APR), SPR telah mula mempromosikan kesedaran demokrasi sejak tahun 2007.
- b) Aktiviti pendidikan pengundi dipergiatkan lagi melalui Program Pendidikan Pengundi khusus untuk golongan belia yang bertujuan untuk memberi kefahaman mengenai pilihan raya.
- c) Tumpuan diberikan kepada pelajar institusi pengajian tinggi dengan kerjasama strategik Universiti Awam dan Swasta, Politeknik, Kolej Komuniti, Institut Latihan Kementerian Kesihatan Malaysia (ILKKM) serta Institusi Pendidikan Guru yang dihadiri oleh 31,355 orang pelajar yang berumur antara 18 hingga 26 tahun.

- d) Program ini telah diperluaskan di peringkat sekolah menengah melalui kerjasama dengan Majlis Amanah Rakyat (MARA) bagi menganjurkan program ini di Maktab Rendah Sains Mara (MRSM). Program ini telah dilaksanakan di 23 buah MRSM dengan dihadiri oleh 3,873 pelajar.
  
- e) SPR juga mendekati pelajar-pelajar sekolah menengah melalui Program *APR Associate Trainers* (AAT). Melalui program ini, SPR telah melatih lebih ramai penceramah dan jurulatih untuk menyampaikan maklumat tentang proses pilihan raya kepada para pelajar sekolah.
  
- f) Seramai 219 peserta AAT dipilih dari kalangan sukarelawan mahasiswa universiti untuk menyampaikan taklimat kepada pelajar-pelajar MRSM.
  
- g) Kementerian Belia dan Sukan (KBS) juga telah menubuhkan Jawatankuasa Khas Anak Muda yang dianggotai Ketua-ketua Pemuda/Pemudi dalam komponen parti politik utama negara bagi mendapatkan maklum balas berkaitan cadangan tersebut.
  
- h) KBS dengan kerjasama SPR akan melaksanakan program Sekolah Rukun Negara bagi mempersiapkan generasi muda dengan memberi pengetahuan dan pengukuhan kefahaman berteraskan Sistem Demokrasi Berparlimen berkaitan Perlembagaan Malaysia dan sistem pentadbiran negara.



- i) KBS juga telah mengadakan kempen kesedaran dengan tema **#UNDI18** dan membangunkan laman sesawang [www.undilapanbelas.my](http://www.undilapanbelas.my) bagi meninjau sokongan dan maklum balas daripada umum.
  
- j) Beberapa NGO juga turut serta dalam usaha meningkatkan kesedaran belia terhadap kepentingan mengundi melalui kempen **#UNDI18**.
  
- k) Merdeka Centre dan Watan telah melancarkan kempen **#UndiPertamaku** untuk berkongsi pengalaman mengundi bagi tujuan memberikan kesedaran kepada rakyat Malaysia khususnya para belia tentang tanggungjawab mereka dan memberi pendedahan mengenai proses pilihan raya di Malaysia.

## **B. HAD UMUR CALON 18 TAHUN**

### **12. Apakah rasionalnya menurunkan had umur kelayakan calon daripada 21 tahun kepada 18 tahun?**

Penurunan had umur calon diseragamkan dengan penurunan had umur pengundi daripada 21 tahun kepada 18 tahun. Umur 18 tahun dianggap matang selaras dengan Akta Umur Dewasa 1971 (Akta 21) (rujuk jawapan di perenggan 2(b)).

### **13. Apakah kebaikan pelaksanaan pindaan had umur calon daripada 21 tahun kepada 18 tahun?**

- a) Membuka ruang kepada anak muda untuk bergiat aktif dalam politik
- b) Setara dengan negara Eropah;
- c) Membangunkan pelan penggantian kepimpinan (*succession plan*); dan
- d) Mengetengahkan suara anak muda dalam pembuatan dasar dan perundangan;

**14. Negara manakah yang melaksanakan had umur menjadi calon 18 tahun?**

Negara-negara yang melaksanakan had umur menjadi calon 18 tahun adalah seperti berikut :

<b>NEGARA ASEAN</b>	<b>NEGARA ASIA</b>	<b>NEGARA EROPAH</b>
Tiada	Australia	Austria
		Belgium
	New Zealand	Croatia
		Estonia
		Finland
		Jerman
	Maldives	Perancis
		Scotland
		Sweden
		United Kingdom

**15. Bilakah penurunan had umur kelayakan calon daripada 21 tahun kepada 18 tahun akan dilaksanakan selepas RUU diluluskan di Parlimen?**

Bagi kerusi Dewan Rakyat, setelah pindaan perlembagaan ini diluluskan di Dewan Rakyat dan Dewan Negara pada Mesyuarat Kedua, Penggal Kedua Parlimen Ke-14, pindaan ke atas beberapa peraturan pilihan raya perlu dibuat pada Mesyuarat Dewan Rakyat akan datang. Selepas pindaan kepada peraturan-peraturan tersebut diluluskan di Dewan Rakyat dan dikuatkuasakan, barulah

ia dapat dilaksana. Manakala bagi kerusi Dewan Undangan Negeri, Kerajaan Negeri perlu meminda peruntukan berkaitan had umur calon di dalam Perlembagaan Negeri atau Undang-undang Tubuh Kerajaan Negeri masing-masing.

**16. Apakah cabaran terhadap pelaksanaan penurunan had umur kelayakan calon daripada 21 tahun kepada 18 tahun?**

- a) Kesediaan parti-parti politik untuk mencalonkan ahli-ahli yang berumur 18 tahun sebagai calon;
- b) Kesediaan Kerajaan-kerajaan Negeri untuk meminda Perlembagaan Negeri atau Undang-Undang Tubuh negeri masing-masing agar selaras dengan pindaan Perlembagaan Persekutuan berkaitan penurunan had umur calon.

**17. Apakah pindaan undang-undang dan peraturan yang terlibat dengan pelaksanaan penurunan had umur kelayakan calon daripada 21 tahun kepada 18 tahun?**

<b>Undang-undang</b>	<b>Perkara / Seksyen / Peraturan</b>
Perlembagaan Persekutuan	Perkara 47(b)
Perlembagaan Persekutuan	Seksyen 5 Jadual Kelapan
Perlembagaan Negeri atau Undang-Undang Tubuh Negeri	Perkara yang berkaitan bagi setiap Undang-Undang Tubuh Negeri / Perlembagaan Negeri

### **C. PENDAFTARAN PEMILIH SECARA AUTOMATIK**

- 18. Adakah mereka yang tidak sempurna akal dan ditahan di pusat tahanan mental serta banduan yang sedang menjalani hukuman pemenjaraan layak didaftarkan sebagai pemilih secara automatik?**

Selaras dengan Perkara 119 (3)(a) dan (b) Perlembagaan Persekutuan yang menyatakan bahawa, orang yang tidak sempurna akal yang ditahan di pusat tahanan mental dan banduan yang sedang menjalani hukuman pemenjaraan tidak layak untuk didaftarkan sebagai pemilih secara automatik walaupun telah mencapai umur kelayakan.

- 19. Apakah tujuan pelaksanaan pendaftaran pemilih secara automatik?**

Memastikan semua warganegara Malaysia yang layak terus berdaftar sebagai pemilih dan boleh menggunakan hak mereka untuk mengundi.

- 20. Apakah kelebihan melaksanakan pendaftaran pemilih secara automatik?**

- a) Warganegara yang layak mendapat hak untuk mengundi;
- b) Tidak perlu mendaftar sebagai pemilih;
- c) Menjimatkan masa dan kos rakyat; dan
- d) Penjimatan kos, masa dan tenaga kerja SPR untuk mempromosikan pendaftaran pemilih.

**21. Berapakah jumlah warganegara Malaysia yang terlibat dengan pendaftaran pemilih secara automatik?**

Pada hari ini, terdapat seramai 4 juta rakyat Malaysia yang berusia 21 tahun ke atas tetapi masih belum mendaftar sebagai pemilih. Manakala rakyat Malaysia yang berumur 18 tahun hingga 20 tahun yang bakal layak didaftarkan adalah seramai 3.8 juta sehingga tahun 2023. Adalah dijangkakan untuk lima tahun akan datang, sekiranya pendaftaran secara automatik ini dilaksanakan bersekali dengan penurunan had umur mengundi 18 tahun, seramai 7.8 juta pengundi akan dimasukkan ke dalam Daftar Pemilih sedia ada pada tahun 2023.

**22. Bilakah pelaksanaan pendaftaran pemilih secara automatik akan dilaksanakan selepas RUU diluluskan di Parlimen?**

Setelah pindaan perlembagaan ini diluluskan di Dewan Rakyat dan Dewan Negara pada Mesyuarat Kedua, Penggal Kedua Parlimen Ke-14, pindaan ke atas beberapa peraturan pilihan raya perlu dibuat pada Mesyuarat Dewan Rakyat akan datang. Selepas pindaan kepada peraturan-peraturan tersebut diluluskan di Dewan Rakyat dan dikuatkuasakan, satu tempoh waktu yang sesuai perlu diberikan kepada SPR untuk memastikan kelancaran proses kerja yang berkaitan sebelum pelaksanaan pendaftaran secara automatik dilaksanakan.

**23. Apakah pindaan undang-undang dan peraturan yang terlibat dengan pendaftaran pemilih secara automatik?**

<b>Undang-undang</b>	<b>Perkara / Seksyen / Peraturan</b>
Perlembagaan Persekutuan	Perkara 119(4)(b)
Peraturan-peraturan Pilihan Raya (Pendaftaran Pemilih) 2002	Peraturan 12 - 'menghantar sendiri permohonan melalui Borang A'
Peraturan-peraturan Pilihan Raya (Pendaftaran Pemilih) 2002	Peraturan 14 (Tuntutan- siapa yang boleh membuat tuntutan)
Peraturan-peraturan Pilihan Raya (Pendaftaran Pemilih) 2002	Peraturan 15 (Bantahan – kuasa diberikan kepada SPR untuk menolak atau membatalkan nama yang tidak patut. Contoh : nama rekaan, nama tak wujud, <i>duplicity</i> )
Mana-mana undang-undang dan peraturan lain yang berkaitan yang perlu dibuat pindaan	

**24. Negara manakah yang melaksanakan pendaftaran pemilih secara automatik?**

Negara yang melaksanakan pendaftaran pemilih secara automatik adalah seperti berikut :

NEGARA ASEAN	NEGARA ASIA	NEGARA EROPAH
Filipina	Australia	Austria
Myanmar	Iraq	Belgium
	Jepun	Croatia
	Korea Selatan	Estonia
		Finland
		Jerman
		Perancis
		Rusia
		Sweden
		United Kingdom

**25. Apakah cabaran dalam melaksanakan pendaftaran pemilih secara automatik?**

- a) Peningkatan pemilih yang berdaftar di tempat yang tidak bermastautin (*non-domicile*);
- b) Persepsi kepada kewibawaan kerajaan yang dibentuk sekiranya peratusan keluar mengundi rendah; dan
- c) Berlaku ketidakseimbangan bilangan pemilih yang lebih ketara antara bahagian-bahagian pilihan raya.



**D. LAIN-LAIN**

**26. Siapakah yang boleh dihubungi untuk pertanyaan?**

Untuk sebarang pertanyaan lanjut, sila hubungi:

Ibu Pejabat

**Suruhanjaya Pilihan Raya Malaysia**

Menara SPR, No.2, Jalan P2T, Presint 2  
Pusat Pentadbiran Kerajaan Persekutuan  
W.P. Putrajaya  
No. Telefon: 03-8892 7018  
Laman Sesawang: [www.spr.gov.my](http://www.spr.gov.my)

**Pejabat Pilihan Raya Negeri Perlis**

Tingkat 1, Bangunan KWSP  
Jalan Bukit Lagi  
01000 Kangar  
Perlis  
No. Telefon : 04-976 1180

**Pejabat Pilihan Raya Negeri Kedah**

Aras 4, Zon A  
Wisma Persekutuan Anak Bukit Bandar Muadzam Shah  
06550 Alor Setar  
Kedah  
No. Telefon : 04-700 1313

**Pejabat Pilihan Raya Negeri Pulau Pinang**

No. 33 Tingkat 4  
Bangunan MARA  
Jalan Pengkalan Weld  
10300 Pulau Pinang  
No. Telefon : 04-261 7692

**Pejabat Pilihan Raya Negeri Perak**

Blok A, Aras 1, Bangunan Persekutuan  
Jalan Panglima Bukit Gantang Wahab

30000 Ipoh

Perak

No. Telefon : 05-254 4195

**Pejabat Pilihan Raya Negeri Selangor**

Lot 03-11, Tingkat 3

Kompleks PKNS

40690 Shah Alam

Selangor

No. Telefon : 03-5519 4273

**Pejabat Pilihan Raya Negeri Wilayah Persekutuan**

Tingkat 10, Menara TH Selborn

No. 153, Jalan Tun Razak

50400 Kuala Lumpur

No. Telefon : 03-2681 1050

**Pejabat Pilihan Raya Negeri Negeri Sembilan**

Tingkat 6, Wisma Persekutuan

70000 Seremban

Negeri Sembilan

No. Telefon : 06-763 9975

**Pejabat Pilihan Raya Negeri Melaka**

Tingkat 20, Menara Persekutuan

Jalan Persekutuan MITC

Hang Tuah Jaya

75450 Ayer Keroh

Melaka

No. Telefon : 06-234 5632 / 33

**Pejabat Pilihan Raya Negeri Johor**

Tingkat 6 Blok B  
Wisma Persekutuan  
Jalan Ayer Molek  
80690 Johor Bahru  
Johor  
No. Telefon : 07-2243 516

**Pejabat Pilihan Raya Negeri Pahang**

Tingkat 8, Wisma Persekutuan  
Jalan Gambut  
25000 Kuantan  
Pahang  
No. Telefon : 09-516 5025 / 09-516 1900

**Pejabat Pilihan Raya Negeri Terengganu**

Tingkat 6, Wisma Persekutuan  
Jalan Sultan Ismail  
20200 Kuala Terengganu  
Terengganu  
No. Telefon : 09-622 1218

**Pejabat Pilihan Raya Negeri Kelantan**

Tingkat 9, Wisma Persekutuan  
Jalan Batam  
15690 Kota Bahru  
Kelantan  
No. Telefon : 09-748 2510

**Pejabat Pilihan Raya Negeri Sarawak**

Tingkat 11, Bangunan Sultan Iskandar  
Jalan Simpang 3  
93728 Kuching  
Sarawak  
No. Telefon : 082-254 867

**Pejabat Pilihan Raya Negeri Sabah**

Aras 2 Blok A

Kompleks Pentadbiran Kerajaan Persekutuan Sabah

Jalan UM, Peti Surat No 10931

88400 Kota Kinabalu

Sabah

No. Telefon : 088-488 588